

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEME LA GAE (HL)

LEPHEPHE LA BORARO (P3)

DIBOKWANE/HLAKOLA 2018

MEMORANTAMO

MEPUTSO: 100

Palomoka ya matlakala a memorantamo ke 14.

ELA HLOKO:

- Diriša rubriki ye ge o swaya ditaodišo (Lephephe la 3, KAROLO YA A).
- Meputso ya 0–50 e arotšwe ka magato a mahlano a ditlhalošo.
- Mo go diteng, polelo le mongwalelo, le legato le lengwe le le lengwe la magato a ditlhalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le ditlhalošo.
- Sebopego ga se sa arolwa ka legato la godimo le la fase.

KAROLO YA A: RUBRIKI YA GO SWAYA DITAODIŠO [MEPUTSO YE 50]

Dinyakwa		Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
DITENG LE PEAKANYO (Go araba dipotšišo) Tatelano ya dikgopolo ge go dirwa peakanyo. Temogo ya morero, baamogedi ba tshedimošo le dikamano. MEPUTSO YE 30	Legato la godimo	28–30	22–24	16–18	10–12	4–6
		-Bokgoni bja go araba potšišo ke bja maemo a godimodimo go fetiša. -Dikgopolo tše bohlale, tša go hlohla mabjoko tše di tšwelelo mahlalagading. -Peakanyo le tlemagano ke tše di ikgethilego go akaretšwa matseno, mmele le mafetšo.	-Potšišo e arabilwe gabotsebotse. -Dikgopolo di kgahliša kudu ebile di sepelelana le hlogo/sererwa. -Peakanyo le tlemagano ya dikgopolo ke tše botsebotse go akaretšwa matseno, mmele le mafetšo.	-Karabo e a kgotsofatša. -Dikgopolo di tlemagane ebile di a kgodiša. -Peakanyo le tlemagano ya dikgopolo ke tše kaone go akaretšwa matseno, mmele le mafetšo.	-Tlemagano ya dikgopolo ga se ya maleba. -Dikgopolo ga di tšwelele gabotse ebile ga di bontšhe boithamelolo. -Tatelano le tlemagano ya dikgopolo di tšwelela gannyane.	-Molekwa o tšwele tseleng kudukudu. -Dikgopolo di hlakahlakane ebile ga di nepiše. -Dikgopolo ga di nepiše hlogo ebile di a ipoeletša. -Ga go tatelano le tlemagano ya dikgopolo.
	Legato la fase	25–27	19–21	13–15	7–9	0–3
		-Bokgoni bja go araba potšišo ke bja maemo a godimodimo. -Dikgopolo tše bohlale tša go tšwa mahlalagading. -Bokgoni bja maemo a godimo bja go beakanya le go tlemaganya dikgopolo go akaretšwa matseno, mmele le mafetšo.	-Potšišo e arabilwe gabotse. -Dikgopolo di a kgahliša ebile di sepelelana le hlogo/sererwa. -Peakanyo le tlemagano ya dikgopolo ke tše botse go akaretšwa matseno, mmele le mafetšo.	-Potšišo e arabilwe ka mo go kgotsofatšago eupša ga se ya hlaka gabotse. -Tlemagano ya dikgopolo e a kgotsofatša ebile e a kgodiša. -Peakanyo le tlemagano ya dikgopolo di a kgotsofatša go akaretšwa matseno, mmele le mafetšo.	-Molekwa o tšwele tseleng. -Dikgopolo di hlakahlakane. -Ga go peakanyo goba tlemagano ya dikgopolo yeo e tšwelelago.	-Ga go bolelwe selo ka hlogo yeo e filwego. -O tšwele tseleng kudukudu. -Diteng ga di nepiše ebile di hlakahlakane.

POLELO, MONGWALELO LE PALOBOHLATSE Segalo, retšistara, mongwalelo, tlotlontšu ya maleba ya morero le dikamano. Kgetho ya mantšu. Tirišo ya polelo le melawana, maswao, popopolelo le mopeleto. MEPUTSO YE 15	Legato la godimo	14–15	11–12	8–9	5–6	0–3
		-Segalo, retšistara, setaele le tlotlontšu di sepelelana kudukudu le morero, baamogedi le dikamano. -Polelo ke ya boitshepo, ya go nona, ya maatlakgogedi. -Polelo e na le segalo sa go ba le maatlakgogedi ebile e nonne ka mebolelwana ya go kgahliša. -Ga go na le ge e ka ba phošwana e tee ya popopolelo le mopeleto. -Polelo e beakantšwe ka bokgwari bja maemo a godimodimo.	-Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e na le maatla, ya segalo sa maleba. -Diphošo tša popopolelo le mopeleto ga se tše kae. -Polelo e beakantšwe gabotsebotse.	-Segalo, retšistara, setaele le tlotlontšu di sepelelana gabotse le morero, baamogedi le dikamano. -Tirišo ya maleba ya polelo e dira gore molaetša o kwagale. -Segalo ke sa maleba. -Mebolelwana e dirišitšwe go godiša boleng bja diteng.	-Segalo, retšistara, setaele le tlotlontšu di sepelelana gannyane le morero, baamogedi le dikamano. -Tirišo ya polelo ke ya motheo. -Segalo le mošito ga se tša maleba. -Tlotlontšu ke ye nnyane kudu.	-Polelo ga e kwešišagale. -Segalo, retšistara, setaele le tlotlontšu ga di sepelelane le morero, baamogedi le dikamano. -Tlotlontšu ke ye nnyane kudukudu moo e lego gore e dira gore ditaba di se kwešišagale.
SEBOPEGO Dinyakwa/Dipharologantšho tša setšweletšwa. Tšwetšopele ya ditemana le tlhamo ya mafoko. MEPUTSO YE 5	Legato la fase	13	10	7	4	
		-Polelo ya maemo a godimodimo ya go ba le segalo se maatla. -Ga go na le ge e ka ba phošwana e tee ya popopolelo goba mopeleto. -Polelo e beakantšwe ka bokgwari.	-Polelo ke ya maemo a godimo ya go ba le maatlakgogedi. -Segalo ke sa maleba sa go ba le maatlakgogedi. -Diphošwana tše nnyane tša popopolelo le mopeleto. -Polelo e beakantšwe gabotse.	-Tirišo ya polelo e a kgotsofatša eupša e na le diphošo. -Segalo se a kgotsofatša eupša mebolelwana ga se ya dirišwa o kaalo.	-Polelo ga e kgotsofatše. -Ga go phapantšho ya mafoko. -Tlotlontšu ga se ye kaalo.	
SEBOPEGO Dinyakwa/Dipharologantšho tša setšweletšwa. Tšwetšopele ya ditemana le tlhamo ya mafoko. MEPUTSO YE 5		5	4	3	2	0–1
		-Tšwetšopele ya sererwa ke ya maemo a godimodimo. -Tlhalošo ya dikgopolo ke ya maemo a godimodimo. -Tlhamo ya mafoko le ditemana ke ya go ikgetha, ya maemo a godimodimo.	-Tatelano ye botse ya tšwetšopele ya dintlha. -Tlemagano ye botse ya dintlha le dikgopolo. -Mafoko le ditemana di beakantšwe ka makgethe.	-Dintlha tša maleba di tšweleditšwe. -Mafoko le ditemana di hlamegile gabotse. -Taodišo e a kwagala.	-Dintlha tša maleba ga se tše kae. -Mafoko le ditemana di na le diphošo. -Taodišo e a kwagala eupša e na le mafokodi.	-Dintlha tša maleba ga di gona. -Mafoko le ditemana di fošagetše. -Taodišo ga e kwagale.

KAROLO YA B: RUBRIKI YA GO SWAYA DITŠWELETŠWA TŠE TELELE TŠA TIRIŠANO [MEPUTSO YE 25]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
DITENG, PEAKANYO LE SEBOPEGO -Go araba dipotšišo le dikgopolo. -Tatelano le peakanyo ya dikgopolo. -Morero, baamogedi, dinyakwa/dipharologantšho le dikamano. MEPUTSO YE 15	13–15 -Bokgoni bja go araba potšišo ke bja maemo a godimodimo go fetiša. -Dikgopolo ke tše bohlale tša go tšwa mahlalagading. -Tsebo ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.	10–12 -Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa. -Ditaba di nepiša setšweletšwa. -Molekwa ga se a tšwa tseleng. -Tlemagano ya diteng le dikgopolo ke ye botse. -Tlhalošo ya ditaba ke ye botse ebile e thekga sererwa. -Sebopego ke sa maleba eupša se na le diphošwana di se kae.	7–9 -Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa. -Go na le nepišo eupša go na le go tšwa tseleng gannyane. -Tlemagano ya dikgopolo le dikamano e a kgotsofatša. -Tlhalošo ya ditaba e a kgotsofatša ebile e thekga sererwa. -Sebopego ke sa maleba eupša se na le diphošo tše dintšinyana.	4–6 -Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. -Ga se a šomiša melao ya sebopego ka tshwanelo. -Go tlogetšwe dintlha tše bohlokwa.	0–3 -Karabo ya gagwe ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu. -Ga go tlemagano ya diteng le dikgopolo. -Ditaba di hlalošwa gannyane. -Sebopego sa setšweletšwa ga se sona.
POLELO, SETAELE LE PALOBOHLATSE Segalo, retšistara, setaele, morero, baamogedi le dikamano. Tirišo ya polelo le melawana. Kgetho ya mantšu. Maswao le mopeleto. MEPUTSO YE 10	9–10 -Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Ga go na le ge e ka ba phošo e tee.	7–8 -Segalo, retšistara, setaele le tlotlontšu di sepelelana gabotse le morero, baamogedi le dikamano. -Polelo ga e na diphošo tša popopolelo ebile e hlamegile gabotse. -Tlotlontšu ke ye ntši. -Gantši ga go diphošo.	5–6 -Segalo, retšistara, setaele le tlotlontšu di sepelelana le morero, baamogedi le dikamano. -Diphošo tša popopolelo ga se tše ntši. -Tlotlontšu ke yeo e lekanetšego. -Diphošwana tšeo di lego gona ga di fetoše molaetša.	3–4 -Segalo, retšistara, setaele le tlotlontšu ga di sepelelane gabotse le morero, baamogedi le dikamano. -Popopolelo ga se yeo e nepagetšego ebile e tletše ka diphošo. -Tlotlontšu ga se ye ntši. -Molaetša o a tšwelela eupša o arošitšwe.	0–2 -Segalo, retšistara, setaele le tlotlontšu ga di sepelelane le morero, baamogedi le dikamano. -Sengwalo se tletše ka diphošo ebile se hlakahlakane. -Tlotlontšu yeo e lego gona ga e sepelelane le morero le ga nnyane. -Molaetša ga o tšwelele le ga nnyane.

LEPHEPHE LA 3 KE MOSWANANOŠI, GO DIRIŠWA MASWAO A GO IKGETHA A GO SWAYA LEPHEPHE LE. ELA TLHOKO MASWAO A O A FILWEGO KA TLASE.

MASWAO A GO SWAYA LETLAKALA LA BORARO

1. () Go tlogetšwe leswao
2. Ø Go šomišitšwe tlhaka ye nnyane sebakeng sa
tlhakakgolo goba go dirišitšwe ye kgolo sebakeng sa
ye nnyane
3. ∪ Kopanya mantšu
4. / Kgaoganya mantšu
5. ll? Ga go kwešišege
6. ← Thoma morago
7. → Thoma pele
8. # Temana ye mpsha e thoma fa
9. ○ Bošaedi
10. ?? Hlogo ga e gona
11. ____ Go dirišitšwe mopeleto wa go fošagala
12. ^ Go tlogetšwe tlhaka/lentšu

KAROLO YA A: DITAODIŠO**POTŠIŠO YA 1****Ditaodišo tšeo di botšišitšwego.****1.1 Taodišokanegelo**

1.7.1

le Tihalošo

1.7.2 Taodišokanegelo e laodiša kanegelo goba tiragalo ye e fetilego. E ka ngwalwa go tšwa lehlakoreng le lengwe le le lengwe.

Tšeo di swanetšego go hlokomelwa ge go ngwalwa taodišo ya go anegwa:

- Kanegelo e swanetše go kgodiša
- Balekwa ba anege ka bokgwari ka mokgwa wo morutiši a ilego a reta dipoele ka gona (1.1)
- Gantši taodišo ye e ngwalwa ka lebaka le le fetilego
- Ditemana tša matseno di swanetše go tanya šedi ya mmadi.
- Kanegelo ge e le ye botse e swanetše go ba le ntlha ye e e laetšago
- Thumo ya moswananoši ya go kgahliša e swanetše go kgotsofatša
- Kgahlego ya mmadi e swanetše go lotwa go fihla mafelelong
- Taodišo ya go anega gantši e na le mokgwa wa go hlaloša

[50]**1.2 Taodišotlhalošo**

1.4,

1.7.1 Tihalošo

le Ka taodišotlhalošo, mongwadi o hlaloša selo se sengwe gore mmadi a kgone go itemogela sona. Motho goba selo se sengwe di ka hlalošwa.

1.7.2

Tšeo di swanetšego go hlokomelwa ge go ngwalwa taodišo ye:

- Mongwadi o swanetše go hlagiša seswantšho ka mantšu
- Balekwa ba hlaloše ka bokgwari mabaka ao a ba gapeletšago gore ba fetše ba re motho ke mogwera wa mmakgonthe (1.2)
- Balekwa ba hlaloše ka bokgwari tiragalo yeo e feditšego e hlotše gore go be le kgatelelo ya monagano (1.4)
- Kgetha mantšu le dikgopolo ka tlhokomelo gore o fihlelele seo se nyakegago
- Dikakanyo malebana le go bona, go kwa, go kgwatha, modumo le tatso di ka šomišwa go dira gore tlhalošo e kwešišege
- Diriša dikapolelo ka tsela ya maleba
- O swanetše go ba le boitemogelo bja hlogo yeo o ngwalago ka yona

[50]**1.3 Taodišokgadimo/kgopodišišo/keleletšo****Tihalošo**

Ka taodišokgadimo mongwadi o eleletša tiragalo yeo a kilego a e bona/a e kwa/a e badilego nakong yeo e fetilego gomme a tšweletša maikutlo a gagwe go ya ka fao a gopolago ka gona.

Tšeo di swanetšego go hlokomelwa ge go ngwalwa taodišo ye:

- Maikutlo le khuduego di kgatha tema ye bohlokwa taodišong ye
- Karolo ye kgolo ya taodišo e ka ba tlhalošo
- Balekwa ba gopodišiša ka fao yo mongwe wa maloko a kereke a rilego go kwešiša mangwalo a yo bula kereke ya gagwe
- Ditlhalošo di swanetše go kwagala di be di ikemišetše go tsošološa maikutlo a mongwadi go mmadi
- Dikgopolo tšeo di hlagišwago di swanetše go tšweletša bonnete bja mongwadi le boyena bja gagwe

[50]**1.5 Taodišongangišano****Tlhalošo**

Ka taodišongangišano mongwadi o na le kgopolo ye e itšeng goba ntlhakemo gomme a fe dintlha tša go fahlela goba go thekga maemo a gagwe. Kgopolo ya mongwadi e swanetše go kwešišega taodišong ka moka. Ka taodišo ye mongwadi o leka go fekeetša mmadi gore a kwane le kgopolo ya gagwe.

Tšeo di swanetšego go hlokomelwa ge go ngwalwa taodišongangišano:

- Thoma ka go laetša kgopolo ya gago ka tsela ya maatlakgogedi mabapi le hlogo
- Balekwa ba ngange ka mahlakore a go dumela le go ganetša mabapi le taba ya gore ge Palamente e sa tshepagale le setšhaba se ka se tshepagale
- Efa dintlha tša go fahlela kgopolo ya gago le go thekga seo
- Mongwadi o tla tsepelela dintlha tša go ganetša pego
- Bjalo ka mongwadi wa taodišo, tšweletša dikgopolo tše maatla ka ge taodišo ye e ama maikutlo a gago
- Ditlabelo tša makgethe le tsebo ya go kgodiša di swanetše go šomišwa
- Polelo e swanetše go ba ye maatla gore e hlohle maikutlo a mmadi. Hlokomela gore polelo e se be ye mpe
- Thumo le yona e swanetše go ba ye maatla, ya go kwala le go kgodiša

[50]**1.6 Taodišokahlaahlo****Tlhalošo**

Taodišo ye ga e na maikutlo a mongwadi. Yona e leka go tšweletša mahlakore a mabedi a poledišano ka go lekana. Mongwadi o hlokomela dintlha tša go fapana tša hlogo ye gomme a hlagiša dikgopolo tša go fapana ntle le go tšea lehlakore. Mongwadi a ka ba le thumo ye e itšeng mafelelong a taodišo, eupša dintlha tša go thekga goba go ganetša di swanetše go lekalekana le go kwagala.

Tšeo di swanetšego go hlokomelwa taodišong ye:

- Mongwadi o swanetše go kwešiša le go lebeledišiša mahlakore a mabedi a taodišo ntle le go tšea lehlakore
- Balekwa ba ahlaahle mabaka ao a dirago gore go be le tlhakahlakano ge setšhaba se sa hlokomela ditumelo tša setšo

- Taodišo e swanetše go kwagala le go ikema ka dintlha. Seo se ra gore e se huetšwe ke maikutlo a mongwadi
- Dikahlaahlo e be tša moya wo o fodilego, tša go naganwa gabotse le go thekgwa ka tshwanelo
- Segalo e be sa go hloka khuduego eupša e be seo se kgodišago sa go hloka lenyatšo
- Mongwadi a ka fa maikutlo a gagwe mafelelong a taodišo eupša seo e se be thumo ya taodišo

[50]**PALOMOKA YA KAROLO YA A: 50**

KAROLO YA B: DITŠWELETŠWA TŠA TIRIŠANO**POTŠIŠO YA 2****2.1 LENGWALO LA SEGWERA**

Go tšweletšwe tše di latelago:

- Sebopego le botelele e be tša maleba
 - Atrese e tee fela ya mongwadi/moromedi
 - Letšatšikgwele le ngwalwe ka fase ga atrese
 - Madume/Matseno a makopana a maleba
 - Diteng e be tša maleba tša go leboga tefelo ya yunibesithi
 - Retšistara le polelo ya go hlompha le go lokologa
 - Tšhomišopolelo, tlotlontšu le maswaodikga e be tše di nepagetšego
 - Mafelelo/Bofelo e be boitsebišo bja mongwadi ka mokgwa wa setlwaedi
- Mohlala: Ke nna/Wa lena/Morwa wa lena/Morwedi wa lenaMosima

[25]**2.2 TŠA BOPHELO BJA MOHU**

Go tšweletšwe tše di latelago:

- Leina le sefane sa mohu
- Batswadi ba mohu
- Lefelo leo mohu a belegetšwego go lona
- Letšatši la matswalo a mohu
- Dithuto tše mohu a di fihleletšego
- Tša mošomo
- Ditiro tše botse le tša go kgahliša tše mohu a gopolwago ka tšona
- Letšatši leo a hlokošetšego ka lona
- Seo se hlotšego lehu la gagwe
- Maina a meloko ya kgauswi yeo mohu a e tlogetšego
- Lefoko la taelo. Mohlala: Mohu a ka laelwa ka sereto
- Retšistara le polelo e be tša semmušo
- Tšhomišopolelo, tlotlontšu le maswaodikga e be tše di nepagetšego

[25]**2.3 POTŠIŠOTHERIŠANO**

Go tšweletšwe tše di latelago:

- Maina a bakgathatema a tšweletšwe ka letsogong la nnegele, a latelwe ke leswao la dikgorwana
- Diteng di be mabapi le dijo tša go thuša bahloki
- Go be le mmotšiši le mmotšišwa
- Dipotšišo di lebane thwii le motho yo a tlogo fiwa dijo tša go thuša bahloki
- Dipotšišo di nepiše se sengwe, mohlala: Botshepegi le kgahlegelo ya motho yo a thušago bahloki
- Mmadi a kgone go hwetša sererwa ge a dutše a e bala
- Bakgathatema ba swarelele sererwa
- Ba laetše tsebo ye e tseneletšego ya polelo, go swana le: polelo ya go hlalefetša, dikamano tša maatla, mekgwa ya lephelo, phedišano le setšo mabapi le ditokelo tša botho
- Ba ka šomiša mabokgoni a go rerišana gore go fihlelelwe tumelelano
- Go be le matseno le mafelelo a go goga šedi ya mmadi

[25]

2.4 PEGO

Go tšweletšwe tše di latelago:

- Go be le hlogo, matseno, mmele le phetšo
- Ngwala ka motho wa pele
- Ngwala ka lebaka le le fetilego
- Mahlaodi le mantšu ao a tsošago maikutlo go tšweletša dikgopolo
- Retšistara le polelo e be tša maleba
- Tšhomišopolelo, tlotlontšu le maswaodikga e be tše di nepagetšego
- Diteng di be mabapi le barutwana bao ba fotšego lebaka ba be ba tshela legora la sekolo ka nako ya dithuto

[25]**2.5 POLEDIŠANO**

Go tšweletšwe tše di latelago:

- Maina a batho bao ba boledišanago a tšweletšwe ka letsogong la ngele, a latelwe ke leswao la dikgorwana
- Tirišo ya mantšu a ka mašakaneng e dumeletšwe
- Poledišano e kgone go bapalega
- Diteng di be mabapi le moaparo wa selehono wa bafsa
- Mmadi a kgone go hwetša sererwa ge a dutše a e bala
- Bakgathatema ba swarelele sererwa
- Ba laetše tsebo ye e tseneletšego ya polelo, go swana le: polelo ya go hlalefetša, dikamano tša maatla, mekgwa ya lephelo, phedišano le setšo mabapi le ditokelo tša botho
- Ba ka šomiša mabokgoni a go rerišana gore go fihlelelwe tumelelano
- Go be le matseno le mafelelo a go goga šedi ya mmadi

[25]**2.6 LENANETHERO LE METSOTSO**

Go tšweletšwe tše di latelago:

Lenanethero

- E be kakaretšo ya tše di tlogo ahlaahlwa kopanong
- Go beakanywe dihlogo tša lenanethero go ya ka bohlokwa bja tšona e sa le nako
- Gore tshepedišo e be ya maleba, hlogo ye nngwe le ye nngwe e abelwe nako

Metsotso

- Thoma ka go ngwala tše di latelago:
 - Leina la mokgatlo
 - Letšatšikgwele, lefelo le nako yeo kopano e swerwego ka yona
 - Pulo le kamogelo
 - Maina a maloko ao a tlilego
 - Maina a maloko ao a kgopetšego tshwarelo
- Palo ya metsotso ya go feta le kamogelo
- Ditaba go tšwa metsotsong
- Ngwala tše di diregilego kopanong
- Tsopola tše go kwanwego ka tšona ntšu ka ntšu

[25]

- Efa kakaretšo ya tšeo di šišintšwego le gore mafelelong go kwanwe bjang
- Ngwala ka lebaka le le fetilego
- Retšistara le polelo e be tša semmušo
- Tšhomišopolelo, tlotlontšu le maswaodikga e be tše di nepagetšego

PALOMOKA YA KAROLO YA B: 50
PALOMOKA YA TLHAHLOBO: 100

MEKGWA YA GO SWAYA**KAROLO YA A**

(Dintlha tša mmepe wa monagano di nyalelane le diteng tšeo di lego mabapi le sererwa)

1. TAODIŠO

- Diteng (dintlha tše di lebanego le hlogo) = meputso ye 25 **(D)**
- Peakanyo/Thulaganyo: mmepe wa monagano (dikgopolo tša maleba di nyalelane le diteng tšeo di lego mabapi le sererwa) = meputso ye 5 **(P)**
- Tirišo ya polelo = meputso ye 10 **(TP)**
- Maikutlo = meputso ye 3 **(MK)**
- Padišišo/Palobohlatse = meputso ye 2 **(PB)**
- Sebopego: meputso ye 5 **(S)**
 - Matseno = moputso o1
 - Mmele = moputso o1
 - Mafetšo = moputso o1
 - Mafoko = moputso o1
 - Ditemana = moputso o1

(Ge molekwa a hweditše meputso ya godimo ka diteng a abelwe meputso ya godimo go tirišo ya polelo)

Kabo ya meputso ya diteng le polelo

25 - 10
22 - 24 = 9
19 - 21 = 8
16 - 18 = 7
13 - 15 = 6
10 - 12 = 5
07 - 09 = 4
04 - 06 = 3
01 - 03 = 2

KAROLO YA B**DITŠWELETŠWA TŠE TELELE TŠA TIRIŠANO**

(Dintlha tša mmepe wa monagano di nyalelane le diteng tšeo di lego mabapi le sererwa)

2.1 LENGWALO LA SEGWERA

- Diteng = meputso ye 8 **(D)**
- Peakanyo (tlemagano ya mafoko le ditemana) = meputso ye 2 **(P)**
- Mmepe wa monagano = moputso o 1 **(M)**
- Sebopego Meputso ye 4 **(S)**
 - Atrese = moputso o1
 - Letšatšikgvedi = moputso o 1
 - Matseno = moputso o 1
 - Mafetšo = moputso o 1
- Polelo, setaele/mongwalelo le padišišo/palobohlatse = meputso ye 10
 - Tirišo ya polelo = meputso ye 7 **(TP)**
 - Maikutlo/Khuduego/Moya/Atmosfere/Segalo = meputso ye 2 **(MK)**
 - Padišišo/Palobohlatse = moputso o 1 **(PB)**

(Ge molekwa a hweditše meputso ya godimo ka diteng a abelwe meputso ya godimo go tirišo ya polelo)

2.2 TŠA BOPHELO BJA MOHU

- Ngwala ka motho wa boraro
- Diteng (dintlha, retšistara le segalo) = meputso ye 8 **(D)**
- Peakanyo (tlemagano ya mafoko le ditemana) = meputso ye 2 **(P)**
- Mmepe wa monagano = meputso ye 2 **(M)**
- Sebopego Meputso ye 3 **(S)**
 - Matseno = moputso o 1
 - Mmele = moputso o 1
 - Mafetšo = moputso o 1
- Polelo, setaele/mongwalelo le padišišo/palobohlatse = meputso ye 10
 - Tirišo ya polelo = meputso ye 7 **(TP)**
 - Maikutlo/Khuduego/Moya/Atmosfere/Segalo = meputso ye 2 **(MK)**
 - Padišišo/Palobohlatse = moputso o 1 **(PB)**

(Ge molekwa a hweditše meputso ya godimo ka diteng a abelwe meputso ya godimo go tirišo ya polelo)

2.3 POTŠIŠOTHERIŠANO

- Diteng = meputso ye 8 **(D)**
- Peakanyo (tlemagano ya mafoko le ditemana) = meputso ye 2 **(P)**
- Mmepe wa monagano = moputso o 1 **(M)**
- Sebopego = meputso ye 3 **(S)**
 - Bakgathatema = moputso o 1
 - Dikgorwana = moputso o 1
 - Polelo ye kopana = moputso o 1
- Polelo, setaele/mongwalelo le padišišobohlatse = meputso ye 11
 - Tirišo ya polelo = meputso ye 7 **(TP)**
 - Maikutlo/khuduego/moya/atmosfere/segalo = meputso ye 3 **(MK)**
 - Padišišobohlatse = moputso o 1 **(PB)**

(Ge molekwa a hweditše meputso ya godimo ka diteng a abelwe meputso ya godimo go tirišo ya polelo)

2.4 PEGO

- Ngwala ka motho wa pele
- Diteng = meputso ye 8 **(D)**
- Peakanyo (tlemagano ya mafoko le ditemana) = Meputso ye 2 **(P)**
- Mmepa wa monagano = Moputso o 1 **(M)**
- Sebopego = meputso ye 4 **(S)**
 - Hlogo = Moputso o 1
 - Matseno = Moputso o 1
 - Mmepa = Moputso o 1
 - Mafetšo = Moputso o 1
- Polelo, setaele/mongwalelo le padišišo/palobohlatse = Meputso ye 10
 - Tirišo ya polelo = meputso ye 7 **(TP)**
 - Maikutlo/khuduego/moya/atmosfere/segalo = meputso ye 2 **(MK)**
 - Padišišobohlatse = moputso o 1 **(PB)**

2.5 POLEDIŠANO

- Diteng = meputso ye 8 **(D)**
- Peakanyo (tlemagano ya mafoko le ditemana) = Meputso ye 2 **(P)**
- Mmepa wa monagano = Moputso o 1 **(M)**
- Sebopego = Meputso ye 4 **(S)**
 - Baanegwa = Moputso o 1
 - Dikgorwana = Moputso o 1
 - Ditaetšosefala = Moputso o 1
 - Polelo ye kopana = Moputso o 1
- Polelo, setaele/mongwalelo le padišišo/palobohlatse = Meputso ye 10
 - Tirišo ya polelo = meputso ye 7 **(TP)**
 - Maikutlo/khuduego/moya/atmosfere/segalo = meputso ye 2 **(MK)**
 - Padišišobohlatse = moputso o 1 **(PB)**

2.6 LENANETHERO LE METSOTSO

- Diteng (dintlha, retšistara le segalo) = meputso ye 8 **(D)**
- Peakanyo (tlemagano ya mafoko le ditemana) = meputso ye 2 **(P)**
- Mmepa wa monagano = meputso ye 2 **(M)**
- Sebopego = meputso ye 3 **(S)**
- Polelo, setaele/mongwalelo le padišišo/palobohlatse = Meputso ye 10
 - Tirišo ya polelo = meputso ye 7 **(TP)**
 - Maikutlo/khuduego/moya/atmosfere/segalo = meputso ye 2 **(MK)**
 - Padišišobohlatse = moputso o 1 **(PB)**

(Ge molekwa a hweditše meputso ya godimo ka diteng a abelwe meputso ya godimo go tirišo ya polelo)

- **Kabo ya meputso ya diteng le polelo**

08 = 7
07 = 6
06 = 5
05 = 4
04 = 3
03 = 2
02 = 1
01 = 0